



Broj: 1887-6-1/25
Datum: 14.07.2025.godine

Na osnovu člana 234. i člana 340. a u skladu sa članom 303. Zakona o privrednim društvima („Službene novine Federacije BiH“ broj 81/15), člana 26. stav 1. tačka e), u vezi sa članom 33. Statuta KJP „ZOI 84“ Olimpijski centar Sarajevo d.o.o. Sarajevo kao i članom 2. i 3. Statuta o izmjenama i dopunama Statuta KJP „ZOI 84“ OCS d.o.o. Sarajevo broj 4442-2/24 od 30.10.2024. godine (Službene novine KS broj 34/24), Odluke Skupštine preduzeća o raspisivanju Javnog konkursa za izbor i imenovanje članova Nadzornog odbora u KJP „ZOI 84“ OCS d.o.o.Sarajevo broj 1887-6/25 od 14.07.2025. godine, Skupština KJP „ZOI 84“ OCS d.o.o.Sarajevo raspisuje:

JAVNI KONKURS za izbor i imenovanje tri člana nadzornog odbora

I PREDMET KONKURSA

Objavljuje se Javni konkurs za izbor i imenovanje 3 (tri) člana Nadzornog odbora KJP „ZOI 84“ OCS d.o.o.Sarajevo.

II OPIS POZICIJE I NADLEŽNOSTI ČLANOVA NADZORNOG ODBORA

- nadzire poslovanje Preduzeća,
- predlaže Skupštini donošenje,izmjene i dopune Statuta i Etički kodeks,
- donosi poslovnik o radu Nadzornog odbora,
- donosi opća akta Preduzeća,
- utvrđuje prijedloge trogodišnjeg,godišnjeg i revidiranog plana poslovanja,
- usvaja izvještaj Uprave po polugodišnjem i godišnjem obračunu sa bilansom stanja i bilansom uspjeha na osnovu prethodno datog mišljenja Odbora za reviziju,
- podnosi Skupštini godišnji izvještaj o poslovanju Preduzeća,koji obavezno uključuje izvještaj vanjskog revizora,preporuku Odbora za reviziju,izvještaj o radu Nadzornog odbora i Odbora za reviziju,
- razmatra prijedlog Uprave o raspodjeli dobiti,a po prethodno datom mišljenju Odbora za reviziju i predlaže Skupštini donošenje odluke,
- razmatra prijedlog Uprave o načinu pokrića gubitka,a po prethodno datom mišljenju Odbora za reviziju predlaže Skupštini donošenje odluke,
- utvrđuje prijedlog odluke o izboru kandidata Odbora za reviziju i podnosi ga Skupštini,
- prati provođenje postupka javnih nabavki,u skladu sa važećim propisima,
- imenuje i razrješava članove Uprave u skladu sa odredbama Statuta,
- daje ovlaštenja za aktivnosti koje su ograničene propisima Zakona o javnim preduzećima,

Kantonalno javno preduzeće, ZOI'84
Olimpijski centar Sarajevo d.o.o
ID broj: 4200347000004
UINO broj: 200347000004
Rješenje broj: UF/I-431/04 od 15.12.2006
www.zoi84.ba

Adresa: Alipašina b.b
Sarajevo 71000
Bosna i Hercegovina
+387 (0) 33 212-035
Faks: +387 (0) 33 212-027

Račun: 102 050 0000095931
Union banka d.d
BiH 71000 Sarajevo



- daje upute direktoruzi provođenje uviđaju vezi sa uočenim nepravilnostima,
- saziva Skupštinu preduzeća,
- prati provođenje preporuka datih Upravi od strane Odbora za reviziju te vanjskog revizora sa specificiranim rokovima,
- prati poslovanje i zakonitost poslovanja Preduzeća,
- daje upute organima Preduzeća radi otklanjanja nepravilnosti u radu,
- prisustvuje sjednicama Skupštine Preduzeća i učestvuje u raspravi bez prava glasa,
- vrši uvid u poslovne knjige i dokumentaciju Preduzeća,
- razmatra mjesečne izvještaje o radu Odbora za reviziju,
- vrši druge poslove predviđene zakonom,
- bira predsjednika Nadzornog odbora.

III MANDAT

Članovi Nadzornog odbora KJP „ZOI 84“ OCS d.o.o.Sarajevo imenuju se na period od 4 (četiri) godine.

Članovi Nadzornog odbora nakon imenovanja sa Preduzećem zaključuje ugovor shodno Zakonu o platama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“ broj 10/16) i Uredbi o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“ broj 41/16).

IV USLOVI ZA POZICIJE

Kandidati za imenovanje na poziciju člana Nadzornog odbora KJP „ZOI 84“ OCS d.o.o.Sarajevo moraju ispunjavati opće i posebne uslove:

OPĆI USLOVI :

1. da je državljanin Bosne i Hercegovine (dokaz: uvjerenje o državljanstvu),
2. da je stariji od 18 godina, a mlađi od 65 godina (dokaz: izvod iz matične knjige rođenih),
3. da nije osuđivan za krivično djelo i za prekršaj nespojiv s dužnošću u Nadzornom odboru, pet godina od dana pravosnažnosti presude, isključujući vrijeme zatvorske kazne (dokaz: izjava potpisana i ovjerena od nadležnog općinskog organa ili notara),
4. da se protiv njega ne vodi krivični postupak (dokaz: izjava potpisana i ovjerena od nadležnog općinskog organa ili notara),
5. da nije osoba kojoj je izrečena zaštitna mjera u smislu člana 248. Zakona o privrednim društvima (dokaz: izjava potpisana i ovjerena od nadležnog općinskog organa ili notara),



6. da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana objavljivanja upražnjene pozicije (dokaz: potpisana izjava ovjerena od strane nadležnog općinskog organa),
7. da se na kandidata ne odnosi član IX 1. Ustava Bosne i Hercegovine (dokaz: izjava potpisana i ovjerena od nadležnog općinskog organa),
8. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti u BiH („Službeni glasnik BiH“ broj 13/02,16/02,14/03,12/04,63/08) (dokaz: potpisana izjava ovjerena od strane nadležnog općinskog organa)
9. da ne postoje druge zakonske smetnje za obavljanje funkcije u Nadzornom odboru (dokaz: potpisana izjava ovjerena od strane nadležnog općinskog organa)

POSEBNI USLOVI :

1. visoka stručna sprema VSS -VII stepen školske spreme odnosno visoko obrazovanje prvog, drugog ili trećeg ciklusa Bolonjskog sistema iz tehničkih, ekonomskih, pravnih ili prirodnih nauka (dokaz:ovjerena fotokopija univerzitetske diplome)
- 2 . 5 (pet) godina radnog iskustva nakon sticanja univerzitetske diplome (dokaz: potvrda ili uvjerenje),
3. da nije predsjednik ili član nadzornog ili upravnog odbora u drugom preduzeću sa većinskim državnim kapitalom ili instituciji (dokaz:izjava potpisana i ovjerena od strane nadležnog općinskog organa)
4. da nije na funkciji u političkoj stranci (dokaz:izjava potpisana i ovjerena od strane nadležnog općinskog organa ili notara)
5. da nije direktor, član Uprave ili zaposlenik preduzeća (dokaz:izjava potpisana i ovjerena od strane nadležnog općinskog organa ili notara)
6. da nema privatni finansijski interes u preduzeću (dokaz:potpisana izjava ovjerena od strane nadležnog općinskog organa ili notara)
7. da posjeduje znanja i sposobnosti razumijevanja poslovnih izvještaja,poznavanje privrednog prava i ukupnog zakonodavstvana području djelovanja nadzornih odbora (intervju),
8. da posjeduje sposobnost za savjesno i odgovorno obavljanje povjerene funkcije (intervju),
9. da posjeduje sposobnost nepristrasnog donošenja odluka i sklonost timskom radu (intervju),
10. Izjava da je saglasan da se svi podaci obrade i po potrebi provjere sa evidencijom nadležnih organa i institucija (ovjerena od strane nadležnog općinskog organa ili od strane notara),
11. Izjava da je saglasan da KJP „ZOI 84“ OCS d.o.o. Sarajevo može obrađivati dokumente kojima se dokazuje lični identitet u skladu sa važećim propisima kojim se reguliše oblast zaštite ličnih podataka (ovjerena od strane nadležnog općinskog organa ili od strane notara).

ZOI'84
Olimpijski centar
Sarajevo



ZOI'84
Olympic Centre
Sarajevo

12. da posjeduje certifikat o završenom stručnom usavršavanju u smislu Uredbe o usavršavanju predsjednika i članova nadzornih odbora i uprava privrednih društava sa većinskim učešćem državnog kapitala („Službene novine Federacije BiH“ broj 71/09,33/10,23/11, 83/11,2/13 i 80/13, 48/15,60/16) ili da prođe stručno usavršavanje u skladu sa navedenom Uredbom i dobije certifikat u roku od godinu dana.

Prilikom izbora voditi će se računa o spolnoj i nacionalnoj strukturi izabranih kandidata.

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije naprijed navedenih dokumenata, koji ne mogu biti stariji od 6 mjeseci.

Komisija za provođenje javnog konkursa za izbor i imenovanje članova Nadzornog odbora će nakon zaključenja konkursa pregledati sve prispjele prijave i utvrditi da li su prijave blagovremene i sa potpunom dokumentacijom. Nepotpune i neblagovremene prijave Komisija neće razmatrati.

Komisija za provođenje javnog konkursa za izbor i imenovanje člana Nadzornog odbora će sve kandidate koji budu stavljeni na listu sa užim izborom, pozvati na intervju. Pozvani kandidati koji ne pristepe na zakazani intervju, smatraće se da su odustali od kandidature.

Nakon obavljenog intervjua, Komisija za provođenje javnog konkursa za izbor i imenovanje člana Nadzornog odbora će Skupštini preduzeća dostaviti listu uspješnih kandidata sa ostvarenim bodovima uz dostavljanje i ostale prateće dokumentacije kandidata i Komisije.

Komisija zadržava pravo provjere svih dostavljenih podataka, izjava i drugih dokumenata kandidata.

Izbor i imenovanje članova Nadzornog odbora vrši Skupština preduzeća.

Prijavu sa traženom dokumentacijom dostaviti lično ili poštom na adresu:

KJP“ZOI 84“Olimpijski centar Sarajevo d.o.o.Sarajevo
Ul.Alipašina bb
Sarajevo
sa naznakom

(PRIJAVA ZA JAVNI KONKURS ZA IZBOR I IMENOVANJE ČLANA NADZORNOG
ODBORA)
-NE OTVARATI-

Na poledini koverta navesti ime i prezime podnosioca prijave.

Konkurs ostaje otvoren petnaest (15) dana od dana posljednjeg javnog objavljivanja ovog konkursa.

Kantonalno javno preduzeće, ZOI'84
Olimpijski centar Sarajevo d.o.o
ID broj: 4200347000004
UINO broj: 200347000004
Rješenje broj: UF/I-431/04 od 15.12.2006
www.zoi84.ba

Adresa: Alipašina b.b
Sarajevo 71000
Bosna i Hercegovina
+387 (0) 33 212-035
Faks: +387 (0) 33 212-027

Račun: 102 050 0000095931
Union banka d.d
BiH 71000 Sarajevo

ZOI'84
Olimpijski centar
Sarajevo



ZOI'84
Olympic Centre
Sarajevo

Tekst konkursa će se objaviti u „Službenim novinama Federacije BiH“, oficijelnoj stranici www.zoi84.ba, a Obavijest o raspisivanju Javnog konkursa za izbor 3 (tri) člana Nadzornog odbora u jednom dnevnom listu.

Preduzeće nije obavezno vraćati dokumentaciju dostavljenu uz prijavu.

Punomoćnik Skupštine preduzeća
Ibrahimpašić Jasmina



Kantonalno javno preduzeće, ZOI'84
Olimpijski centar Sarajevo d.o.o
ID broj: 4200347000004
UINO broj: 200347000004
Rješenje broj: UF/I-431/04 od 15.12.2006
www.zoi84.ba

Adresa: Alipašina b.b
Sarajevo 71000
Bosna i Hercegovina
+387 (0) 33 212-035
Faks: +387 (0) 33 212-027

Račun: 102 050 0000095931
Union banka d.d
BiH 71000 Sarajevo